

نومرو : ۹۶

اداره خانه

ایستانبول ، جفال اوغلنده

داثره اجتهادده

“ Idjtihad ” Constantinople

دوردنجی سنه

اجتهاد

حریت فکریه یه خادم
نجشنبه کونلری چیقار اجتماعی ، ادبی مجموعه

مدیر مرخص : الہامی صفا

۶ مارت ۱۳۳۰

آبونه

سنه لك آلتی آیلدی
تورکیا ایچین : ۵ غروش ۳۰ غروش
ممالک اجنبیه ایچین ۱۵ فرانق ۸ فرانق

نسخه سی ۵۰ یاره به

جمال پاشا حضر تلیله ملاقات

93 نومرولو (اجتهاد) ده ، جمال پاشا حضر تلیله امور نافعه هنره متعلق ملاقاتك بویوك بیر قسسی مندرج ایدی . اروا واسقارله عاٹد دیگر بر مهم قسسی قالشدی . مشارالیه ایله یکن بازار ایرته‌سی کونی اجرا ایتدیکمز ملاقاتی ده قارئلر هنرک نظر استفاده‌سنه عرض ایدیورز :

— قونیه اووه سنك اروا واسقاسی مسئله‌سی نه مرکز ددر ؟

— قونیه اووه سنك ارواسی ایشی کمال انتظام ایله دوام ایدیور ، عملیات بیتمشدر ، ایشلمه‌یه باشلامشدر . آنجاق انشا آتی درعهده ایتمش اولان قومانیسا انشاتك نتایج فیه‌سندن (یعنی سقوط فلان واقع اولورسه بولردن) بش سنه مدته مسئولدر . بوش سنه‌ظرفنده Entretien یعنی تعمیرات دائمه ایشنی درعهده ایتمشدر . بالطبع بونقطه نظرلردن مأمورلر استخدام ایده‌جکدر . همان شیمیدین حکومت یا بمش اولسه مختلف نقطه نظرلردن عینی ساحه‌ده مختلف مأمورلر استخدام ایتك مجبوریتده قالا‌جاغنه کوره ایشلمه امورینك عاٹد اولدینی مالیه نظارتی ، نافعه نظارتی ایله مطابق قالاراق ایشلمه امورینی بیرمقاوله مخصوصه ایله انشات قومانیسه‌ده دور ایتمش و اوصورتله معامله یاپیلشدر . رسومی یعنی صوباره‌سنی دولت آلا‌جاق . قومیسر مز بولونا‌جاق .

قونیه اووه سنك اروا واسقا عملیاتی مصارفی اون دو قوز بوجوق میلیون فراتق در . هر سنه 550,000 دونوم اراضی اروا ایدیله‌جك در و اروا بدلی اولاراق و مصارف انشائیة‌ك اطفاسی ایچین دونوم باشنه سنوی 25 غروش زراع دن آینا‌جاقدر . بو اروا سایه‌سنده شیمدی‌یه قادر هیچ استفاده ایدیله‌ین اراضی دن وجوده کله‌جك اولان زخائر اعشاری بونا علاوه ایدیله‌جك اولورسه بوتشك نه‌قادر نافع اولدینی تعین ایدر . یالکیز

قونیه اووه‌سی ارواسی نتیجه‌سی اولاراق تزاید ایده‌جك اولان واردات عشریه مقداری سنوی 150,000 لیرا تخیل اولونیور . تقلیات و خالی اراضینك زرعی و ثروت حلیه‌ك تزایدی نتیجه‌سی اولاراق حکومتك ایده‌جکی فائده بالواسطه‌دخی نظر دفته آینا‌جاق اولورسه بو 150,000 لیرا تزاید سنوی ك 250,000 لیرایه بالغ اولاجاغنه شبهه ایتمه‌لی‌در . بنم نقطه‌نظر مه کوره بومملکت‌ه شومند و فرلردن دها‌زایاده فائده تأمین ایده‌جك تشبث نافع ، اروا واسقا تشبثاتی‌در . ذاتاً شومند و فرلری تأمینات آقچه‌سی دولایسیله خزینة دولته بار اولماقدن قورناراجاق یکانه چاره بو اروا واسقا ایشی‌در . بو اعتبار ایله الیوم ، (الجزیره) اوواسنك اروا واسقاسی مسئله‌سیله با کمال جدیت اشتغال ایتمکده اولدیغ کیی کشفیاتی اجرا ایدیلش و هر نوع اوراق فیه‌سی احضار قیلنمش اولان (آطنه) اوواسنك وینه کشفیاتی احضار ایدیلش اولان (مندرس) اوواسنك اروا واسقاسی کیفیتلری ك اول تشبث ایده‌جكم امور نافعه‌دنددر . (بروسه) ولایتك ك مهم اووه‌لرندن اولان (میخالیج) اووه‌سنك اروا واسقاسی و (صوصغیرلی) نهرینك تنظیم مجراسی کیفیتی ده ذهنی اشغال ایدن مسائل نافعه‌دنددر .

(مریچ) ده‌لتاسی باطاقلقلرینك قوروتولماسی و (مریچ) نهری ك سیرسفاشته مساعدحاله وضعی ایشلرینی اونوتدم ، ظن ایتمه‌یكز . امتیازی ویرمك اوزره بولوندیغ (عمیق اووه‌سی) ك قوروتولماسی و (عاصی) نهرینك تنظیمی کیفیتلری ده یینه بو مهم ایشلر جمله‌سندندر .

— الجزیره [مه‌زوبوتامیا] ك اروا و اسقاسی مسئله‌سی نه شکل آلمشدر ؟ لطفاً بوبابده‌ده معلومات ویریمیسگز ؟

— اساساً الجزیره ارواسنه عاٹد عملیات دن بولونان (هندیه) سده‌سی انشاتنه 327 سنه‌سندن بری دوام ایدیلکده ایدی ، شیمدی ختام بولدی . رسم کشادی‌ده اجرا اولوندی . بونك متمماتندن اولان



بحریہ ناظر جہدیریز جمال پاشا حضور تلمری

ہوتون استیہ احلرمہ لطفاً ایضاحات و یرمش اولان
فعال و منور ناظر مزہ تشکر ایدہ رک حقیقم .

جمال پاشا حضور تلمری، الیوم بحریہ نظارتہ تعین ہو پورولمش
بولونیور . اوہریردہ فعال و منور پیر ذکا و شدید پیر شیمہ
ترقی پروانہ ایلہ ایشلہ یہ جک در . امیزکہ بوندن اوچ آی
سوکرہ ، انشا اللہ ، بحریہ ناظر مزہ اجرا ایدہ جکمز ملاقات
دکرزدہ کی شوکت متولہ و متزایدہ من حقندہ امید و یربجی پک
چوق خبر تلمری، معلوماتی احتوا ایدہ جک در .

دونتور عہدہ الہرہرہرہ

14 مارت 1914



(جانبیہ) قطرہ Deversoir انشا آتی دہ دوام ایتکدہ در .
(جانبیہ) نک تمام انشا آتی (فلوجہ) دہ برسدہ انشاسی
(فلوجہ) دن (بغداد) جوارینہ قادار کیدہ رک (دجلہ)
نہرینک صاغ ساحلی تعقیماً کوة الامارہ خذالینہ قادار
اوزاناجاق جسیم برقانال انشاسی الیوم یاپیلمش بولونان
(ہندیہ) قانالہ موازی اوچ مختلف قانال انشاسی
(دجلہ) نک فیضانہ قارشہ (بغداد) ی شرق طرفندن
محافظہ ایدہ جک جسیم برسدہ انشاسی (اغرقوف)
کولنک (سفلایوہ) قانالی آلتندن کچیریلہ رک اوواہ
دوغرو آقیتلماسی و تفرعاتی طرزندہ مجموعی تقریباً ایکی
ملیون لیرای تجاوز ایدہ جک انشا آتک احالہ وجودہ
کتیریلہ سی ایشلری ، بونلرہ طالب اولار شرکتلرہ
دردست مذا کرہ در . اقشامہ صباحہ احالہ ایدہ جکمی
ظن ایدیورم .

— انشا اولوناجاق و انشالری امتیازلری و یریلہ جک
لیمانلرمز ہانکیلری در ، لطفاً سویلرمیسگز ؟
— بزم انشاسیلہ اشتغال ایتدیکمز لیمانلر (حیفا ،
طرابلس شام ، یافا ، تکفور طاغی ، صامسون و طربزون)
لیمانلری در .

سوریہ ساحلندہ کی لیمانلر ایچین فرانسر شرکتلریلہ
مذا کرہ دہ یز . (تکفور طاغی) ایچین نہ تود یابدیر ماقدہ یز .
بولیمان عسکری بر اہمیتی حائز در . (صامسون)
(و طربزون) لیمانلرینک انشاآت و ایشلتمہ امتیازلری
و یرمک اوزرہ تورکیا ملی بانقہ سیلہ مذا کرہ دہ یز .

— صوک بر سوالم دہا وار : بویوک استقراضک
علاقہ دار اولدینی امور نافعہ ، علی العموم ، نہ لر در ؟
— شومندوفرلر و لیمانلر در . سوریدہ بعض
شومندوفرلر ، سوریہ ساحلندہ کی بعض لیمانلر در . فقط
شواساسی اونو تمامالی در . بونلر استقراض ایلہ مشروط
دکدر . دولت کومروکہ 40/0 ضم ایدہ جک و بعض اشیای
تجاریہ «مونوپول» [یعنی انحصار] وضع ایدہ جک ،
حکومت لردن فرانسہ ، بوتزیدہ موافقت ایتک ایچین
بولیمانلرک انشا و ایشلتمہ امتیازلری ایستہ یور .